

LIBER III.

De diuinis proprietatibus agitur, quae ad Dei operationem pertinent et affirmantes vocantur.

Egimus hucusque de Dei proprietatibus, quas ad eius naturam ac essentiam pertinere concipimus, et quas Theologi negantes dicere conseruerunt: acturi modo de illis, quae ad ipsius operationem spectant et affirmantes dicuntur, quibus non merae negationes subiectae sunt, sed aliquid quod qualitatis affectionisque more cogitando describimus. Faciemus autem in hoc libro, quod in superioribus factum reliquim, scilicet; praecipuis Dei perfectiones seligemus, quas Patrum vsus et tractatio nobis commendant. Erunt vero ex iis immanentes aliae, transeuntes reliquae, ut Theologis distinguere visum fuit. Huiusmodi sunt Scientia, Omnipotentia, Bonitas, Amor, Misericordia, Prouidentia, aliaeque. Sit ergo.

CAPVT I.

Scientiam Deo esse maxime propriam evincitur: illius natura ac dotes declarantur.

Est in Deo perfectissima scientia.

Ita per omnes vtriusque Testamenti paginas declaratum expressum est. I. Regum ii. »Deus scientiarum Dominus est. Proverb. iii. »Dominus sapientia fundavit terram, stabiluit coelos prudentia. Esther xiv. »qui habes omnium scientiam. In Psalmis cxi. et cxxxviii. »et sapientiae eius non est numerus. Ecce Domine tu cognouisti omnina nouissima, et antiqua. In lib. Sapient. cap. vii. »quoniam ipse sapientiae dux est, et sapientium emendator. Iobi item toto fere cap. viii. et xx. sapientia tamquam solius Dei. solida possessio describitur his verbis: »Sapientia ubi invenitur? Et quis est locus intelligentiae? Deus intelligit viam eius, et ipse nouit locum illius. »Ipse enim fines mundi intuetur, et omnia quae sub celo sunt res-

»pi-

LIBER III. CAP. I.

139

»picit. Et ad Colossenses i. Dei filius appellatur *Dei sapientia*; atque in illo dicuntur esse omnes thesauri sapientiae et scientiae Dei, ad Colos. ii. Neque vero pluribus testimonii opus est: nam id fere omnis Scriptura testatur.

Patrum sententias aliquas saltem proferamus. Augustinus in Soliloquii (1) mirabundus Deum alloquens ait: »lux cui omnes tenebrae lumen, cui omnis obscuritas lux; lux supra quam non obnubilat: »caecitas, quam caligo non hebet, quam tenebrae non offuscan, »quam nulla obstantia claudunt, quam numquam separata aliqua umbra: lux quae illuminat omnia simul, semel, et semper, absorbe me in tuae claritatis abyssum, ut videam vnde te in te, et me in te. Irenaeus etiam sic loquitur (2): »Deus quem sit totus mens, totus ratio, et totus spiritus operans, et torus lux, et semper idem et similiter existens, ceteri. Nemesius deinde christianus Philosophus scribit (3): »ignorantia et imperitia prorsus aliena est a beata illa substantia, scilicet Dei; ipsius enim est cognitio, et sapientia, et scientia. Synesius tandem ait (4): »Deo sola ad cognoscendum natura satis est. Expressius vero S. Thomas dicens (5): »quum Deus sit omnino immaterialis in ipso scientia est perfectissimo modo.

Ratio etiam suffragatur. Quidquid enim perfectionis in rebus creatiis reperitur, in Deo ponendum est: at in rebus a Deo creatis inuenitur scientia, in Angelis nempe et hominibus: haec ergo modo eminenti existit in Deo. Similiter: Deus est id quo melius excogitari nihil potest: ergo oportet illum scientem ac sapientissimum esse: quum scientia praecipua sit rerum perfectio.

Hanc autem scientiam eandem esse Dei naturam summa ipsius simplicitas suadet. Quapropter S. Augustinus ait (6): »Deus non sic habet scientiam, vt aliud sit illi scientia qua scit, aliud essentia qua est; sed utrumque unum est, nec utrumque dicendum est, quod simpliciter unum est. Cyrilus item Alexandrinus scribit (7): »quum itaque confessione omnium simplex sit, non est aliquid ab eo diuersum eius cognitio. Hinc S. Thomas euidenter concludit (8): Deus ita se per se ipsum intelligere, ut et intellectus intelligens, et illud quod intelligitur, et species intelligibilis, et ipsum intellige-

S 2

re,

- (1) Cap. xiii. (2) Lib. ii. cap. 47. (6) Tract. 99. in Ioan.
- (3) Lib. de prouid. cap. 44. (7) Lib. xiii. thesauri.
- (4) Lib. de insomniis. (8) I. cont. Gent. capp. 45. 46. et
- (5) I. p. quaest. 14. art. 1. 47. et 1. p. q. 14. art. 4.

re, seu actio intelligendi vnum omnino idemque sint, propter infinitam videlicet eius simplicitatem et perfectionem. Vna igitur est Dei scientia, vt vna est eiusdem natura.

Sed perfectissima haec diuinac scientiae vntas nihil obstare videntur, quominus varie a Theologis fuerit partita, ob rerum scilicet illarum varietatem, quas obiectas habet. Ac primo ponunt aliam *speculatricem*, et *effectricem*. Primum dicunt quatenus rem obiectam attingit, quae vel fieri nequit, cuiusmodi est diuina natura, attributa, relationes, vel fieri licet possit, numquam tamen re ipsa fiet, quia sunt, quae possibilia dicuntur in scholis; alteram quae non tantum speculatur, sed et rem quam intueretur efficit: qua scientia percipit Deus creatura omnia quae sunt, fuerunt, eruntque: nec bona solum, sed et mala culpae, quae ipse permittit ut sint. Diuinam exinde scientiam *necessariam* admittunt, et *liberam*. Primum vocant, quae omne diuinac voluntatis decretum intelligentia nostra anteueritur, qua Deus se ipsum et naturas rerum possibilium contemplatur: secundam, quae libero Dei decreto nostro intelligendi modo posterior est, qua intuetur ea *omnia*, quae existunt, et quandoque erunt. Prae his tamen celebris eiusdem scientiae diuisio est in *scientiam simplicis intelligentiae*, et *visionis*. Prima est quae versatur erga illa, quae nec fuerunt, nec erunt, sed esse possunt, solamque eorum naturam considerat: secunda, coram est quae fuerunt, sunt, et erunt, quam deinde visionis dicunt, translato verbo a corporis sensu, quod nimur tam *nuda* et *aperta omnia oculis eius sint*, cique praesentia, quam ea quae oculis nostris sunt subiecta. Sed scientiae huius *visionis* dictae est et alia diuisio in scientiam scilicet *approbationis*, et *improbationis*. Si bona vel praeterita, vel praesentia, vel futura respicit, *approbationis* dicitur: nihil siquidem tale vniquam fuit, est, atque erit, cuius aeterna Dei approbatio causa non sit: si vero mala culpae Deus respiciat scientia illa *improbationis* dicitur: talia enim neque vult, neque probat Deus, sed tantum permittit. Hae sunt versatissimae in scholis diuinac scientiae partitiones. Noua tamen posthac scientia emerit, atque *medianam* se se intulit scientiam *visionis* inter et *simplicis intelligentiae*. Be ea fusiis et opportunius postmodum.

Iam diuinac scientiae proprietates reliquias perscrutemur. Quum itaque simplex illa et vnicula sit, licet in varia partita membra ob rerum obiectarum varietatem, hoc efficit quod Deus vnicula cognitio ne *omnia* et quidem infinita percipiat. Verum et est illa omnino im-

immutabilis quemadmodum et ipsa Dei essentia immutabilis est. Proinde nihil in ea varium esse potest ac multiplex; nec capax est incrementi aut decrementi; neque de praesenti ad futurum, aut de praeterito ad praesens transit.

Tandem, habet diuina scientia dotem aliam praeclarissimam, quod nempe rerum omnium caussa sit. »Vniuersa enim creature suas et spirituales et corporales, non quia sunt, ideo nouit; sed ideo sunt, quia nouit. Non enim nesciunt quae fuerat creature: nec aliter ea sciunt creata quam creanda. Non enim eius sapientiae aliquid accedit ex eis, sed illis existentibus sicut oportebat et quando oportebat, illa mansit ut erat«, ut loquitur S. Augustinus (9). Quo in loco immutabilitatem etiam diuinac scientiae commendat. Haec de scientiae diuinac dotibus sufficiat: quae ab eruditis Theologis fusius exposita, paginam vtramque implent. Modum adhibuimus rerum necessarium delectu ex infinita illa copia. Nunc de huius scientiae obiectis subiectisque rebus, duobus quae sequuntur capitibus, loquemur.

CAPVT II.

De diuina scientia erga ipsum Deum.

Deus semetipsum perfecte cognoscit ac comprehendit.

Primum quidem est in Scripturis testatum. Ioan. enim x. Christus ait: »sicut nouit me Pater, et ego agnosco Patrem«. Et de Spiritu sancto i. ad Corinth. scribit Apostolus: »Spiritus Dei scrutatur omnia, etiam profunda Dei.... quae Dei sunt nemo nouit nisi spiritus Dei«. Id ipsum testantur Patres: Augustinus (1): »nouit omnia, inquit, Deus Pater in se ipso, nouit in Filio: sed in se ipso tamquam se ipsum, in Filio tamquam Verbum suum«, cert. Isidorus (2): »sol la sibi, ait, nota est Trinitas«. Demum S.Thomas (3) scribit: »Deus quum sit actus purus in summo immaterialitate intelligit se per se ipsum«. Accedit ratio dictans menti summae summum intelligibile respondere debere: Deus autem summa mens est: eius ergo scientiae res obiecta omnium praestantissima et summa sit oportet. Quid vero ipsa Dei essentia praestantius? Hanc igitur Deus intelligit, estque illa obiectum.

(9) Lib. xv. de Trinitate cap. 13.

(1) Lib. iii. de summo bono cap. 3.

(2) Lib. lv. de Trinitate cap. 14.

(3) I. p. quaest. 14. art. 2.

tum, vt Theologi appellare consuerunt, primarium, connaturale, atque specificatum.

Duo tamen minime contemnda huic veritati obstare videntur. Siquidem scientia Dei, eiusdemque omnipotentia idem omnino sunt: at omnipotentia Deum pro obiecto nequit habere: ergo nec scientia. Praeterea: si Deus se ipsum intelligit, a se ipso distinguarur oportet: nam si ipse se intelligit, ad se ipsum referatur necesse est: sciens enim ad scitum referunt ex Philosophorum communi sensu: omnia autem quae mutuo referuntur distincta sunt: sed nihil hoc falsius et absurdius excogitari potest: Deus ergo se minime cognoscit. Levia tamen haec sunt. Quid enim, vt primo occurramus, si Dei scientia atque omnipotentia unum idemque re ipsa sunt: quippe quae ipsa sunt Dei essentia simplicissima? Nostra ratione seu intelligentia distinguuntur, quoniam diuersae res sunt quae vtraque obiecta habet et attingit: nam scientiae Dei res obiecta veritas est: Deus vero prima et summa veritas est; imo est cuiusvis veritatis origo atque forma. Omnipotentiae autem res obiecta sunt proprie ea quae possunt fieri. Quum ergo solum quae alia a Deo sunt, fieri ab illo possint, sola illa quae facta sunt vel possunt fieri, eius sunt obiectum; non diuinum quidquam. Secundum sic soluimus. Scientem inter et scitum solida, vt aiunt, et realis distinctio tunc solum intercedit, quum scitum a scientie re ipsa distinguitur: hoc autem in Deo non habet locum: quum iam constitutum sit in illo mentem intelligentem, rem intellectam, actum intelligendi, cert. unum idemque prorsus esse: hinc si quae distinctio Deum inter scientem Deumque ipsum scitum concipiatur, rationis ea est, non vera et realis.

Sed iam, iis soluti, ad id quod secundo loco in propositione statutum est, redeamus; Deumque nedium se cognoscere, verum et se comprehendere concludamus. Dicitur enim in Psalm. cxlv. »sapientiae eius non est numerus«. Nulla iraque terminatio circumscribitur ac finitur. Quid deinde si spiritum, qui scrutatur etiam profunda Dei, nihil later? Se ipsum comprehendat necesse est. Comprehensio siquidem est ex S. Thomae doctrina, cognitionis infinita qua res cognoscitur quantum cognosci potest. Quod si scientia Dei talis non foret, posset alia excogitari ea praestantior: Deus ergo se cognoscit quia tantum cognosci potest, seque comprehendit.

Non tamen ob hoc Deus finitus habendus est, nec tale S. Augustini-

tinus dicit verbis illis (4): »quidquid comprehenditur scientis comprehensione finitur«, nam vt S. Augustini discipulus Thomas exponit, haec, similesque locutionis species per negationem sunt expoundae. Hac lege: quod sicut Deus in se ipso esse dicitur, quia ab exteriori nullo continetur, ita et a se ipso comprehendendi, quia nihil est sui quod ipsum lateat: quemadmodum ipse Augustinus scribebat (5) his verbis: »totum comprehenditur videndo, quod ita videtur, vt nihil eius lateat videntem«.

Ex quo autem Deus se ipsum cognoscat, ait S. Thomas (6), quod alia a se cognoscat ponere oportet. Id quod capite sequenti exponemus.

CAPVT III.

De diuina scientia erga alia a Deo.

Cognoscit Deus quascumque creaturas: nec futura ipsa contingentia et conditionata diuinam scientiam latent: quin et scrutatur cogitationes hominum et peccata.

Tria haec passim commendant Scripturae. De primo ergo intelligentium quod legitur in Eccl. cap. i. »Omnis sapientia a Domino Deo est, et cum illo fuit semper, et est ante aeternum. Arenam maris et pluvias guttas et dies saeculi quis dimumeravit? Altitudinem coeli et latitudinem terrae et profundum abyssi quis dimensus est?« Et in cap. xxiii. »Domino antequam creantur omnia sunt agnita, sic et post perfectum respicit omnia«. Estheris quoque xiv. »Dominus qui habes omnium scientiam«. Demum ad Hebreos iv. »Non est vlla creatura inuisibilis in conspectu eius: omnia autem nuda et aperta sunt oculis eius«.

Ex Patribus docent hanc veritatem Clemens Alex. (1) »Deus omnia nouit, non solum quae sunt, sed etiam futura, et quemadmodum erit vnumquodque, ac particulares motiones praecidens: omnia propicit et audit omnia, nudam intrinsecus animam videns vniuersuusque, etiam de singularibus aeternam habet intelligentiam«. Petrus item Damianus scribens (2): »omnipotens Deus, qui omnibus

(4) Lib. xii. de ciuit. Dei cap. 18.

(5) I. cont. Gent. cap. 49.

(6) Lib. de videndo Deo seu Epist.

(1) Lib. vi. stromat.

22. ad Paulinum cap. 2. dil. n.

(2) In opusc. vi. et xxx. cap. 7.

„bus quae voluntur incomparabiliter supereminent, omnia simul suis „subiecta conspectibus praesentialiter videt“. Augustinus etiam dicens (3): „in una Dei sapientia esse immensos quosdam arque in- „finitos thesauros rerum intelligibilium, in quibus sunt omnes inui- „sibiles atque incomutabiles rationes rerum etiam visibilium et mu- „tabilium“. Dictis consona ratio est: nihil enim fuit vñquam, ni- hil erit, nihilque tandem esse potest, quod non spectet ad vim effec- tricem Dei, quodque sub eius voluntate non sit: Deum autem vide- re ac cognoscere quidquid sub eius voluntate est, atque virtuti eius- dem effectrici subiacet, quis inficiabitur? ergo cognoscat oportet quascumque creaturas, siue possibles, siue futuras, siue praeteritas, siue nunc existentes.

Sed obstarat dictis videtur quod Hieronymus scribit (4), nempe: „absurdum est ad hoc Dei deducere maiestatem, vt sciat per mo- „menta singula, quorū nascentur culices, quoties moriantur; quae ci- „micum et pulicum et muscarum sit in terra multitudo; quantū pis- „ces in aqua natent; et qui de minoribus maiorum preada cedere „debeant“. Similiter: quod ut Augustinus docet (5), in Deo nulla est praescientia: saltem ergo futurarum rerum noritia Deum subter- fugit.

Quibus tamen respondet: Hieronymum tantum negare Deum minima queaque cognoscere ea cognitionis specie, quae cum eodem amore eademque benevolentia, quibus homini per suam prouidentiam prospicit, coniuncta sit: non vero denegare cognitionem simpliciter sumtam: atque haec solutio ex iis quae ipse Hieronymus subiicit, colligitur: scilicet: „non simus tam fatui adulatores Dei, vt dum „potentiam eius etiam ad ima detrahimus, in nos ipsos injuriosi simus, „eandem rationabilium quam irrationalium prouidentiam esse di- „centes“. Secundum soluit idem S. Augustinus dicens (6): „confite- „ri esse Deum, et negare praescium futurorum apertissima insanía est“. Itaque in Deo praescientia admittenda est, quatenus sua vnica ac simplicissima cognitione omnia Deus immutabiliter considerat, non quasi haec ipsa Dei cognitio rerum noua accessione perficiatur, et res praesciendo antequam fiant, et cognoscendo quam iam habent es- se. Tantum.

Ad secundam propositionis partem veniamus, Deumque futura-

(3) Lib. xii. de ciuit. Dei cap. 40.
(4) In 1. cap. Habacuc.

(5) Lib. ii. quæst. ad Simplic. q. 2.
(6) In lib. v. de ciuit. Dei cap. 9.

queliber contingentia et conditionata cognoscere, aduersus Socinia- nos praesertim, ex Scripturis probemus: in Psalmo xxxii. dicitur: „qui „fixit singillatim corda eorum, qui intelligit omnia opera eorum“. Sapientiae viii. „signa et monstra scit antequam fiant, et euentus tem- porum et saeculorum“. Apud Isaiam xlviij.: „scio quia praevaria- „cans praevaricaberis“. Et cap. xl. „annuntiate quae ventura sunt „in futurum, et sciens quia Dii estis vos“.

Atque de futuris illis quae reuera exitura non sunt, sed exis- tent, si certa ponenter conditio, sunt praeter adducta argumenta alia in Scripturis: nam i. Regum cap. xxii. Dominus a David Rege consultus, an tradituri eum essent viri Cœlac in manus Saul, respon- dit, tradent: quo oraculo accepto, fugit David et non fuit traditus. Matth. xi. Christus Dominus adserit, quod si in Tyro et Sydone fac- tae fuissent eadem virtutes, quae apud Corozain et Behtsaidam, Ty- rii et Sydonii poenitentiam egissent.

Quid autem circa hoc Ecclesiae Patres? Augustinus contra Pelagianos disputans egregie hanc confirmat veritatem plurimis in lo- cis. Duo præcipua sunt ista (7): „his quos præuidit, (ait in lib. de „dono perseverantiae) si apud eos facta essent, suis miraculis credi- „turos, quibus noluit subuenire, non subuenisse: de quibus in sua „prædestinatione occulite quidem, sed alter iudicauit“. Et in libro de correptione et gratia (8): „respondeant si possunt, inquit, eur il- „los Deus, quem fideliter et pie viuerent, non tunc de vitæ huius „periculis rapuit, ne malitia mutaret irreluctum eorum, et ne fictio „deciperet animam eorum? Vtrum hoc in potestate non habuit, an „eorum futura mala nesciuit? Nempe nihil horum nisi peruersissime „atque insanissime dicitur“. Magistro concinit S. Prosper his verbis (9): „de Tyriis et Sydoniis quid aliud possumus dicere, quam non esse „eis datum vt crederent, quos etiam credituros fuisse ipsa veri- „tas dicit, si talia, qualia apud Iudeos non credentes facta sunt, „virtutum signa vidissent“.

Generaliter autem futurorum omnium cuiuscumque generis cog- nitionem Deo tribuere præter Augustinum et Prosperum alii Patres. Origenes apud Eusebium haec habet (10): „quidquid aliquando fu- „rum est, id Deum multo ante futurum prænosse, vt Scripturae „abesset auctoritas, vel ipsam ex Dei notione is profecto demum

Tom. I.

T

min-

(7) Cap. xi.
(8) Cap. viii.

(9) Resp. viii. ad excerpta Genue.
(10) In 3. de præparat. Euang.

intelligat, qui probe vim illam et excellentiam diuinae mentis intelligit. Cyrus Alex. sic scribebat (11): „Deo natura conuenit omnem habere et iam praeeritorum et futurorum notitiam“, cet.

Huc spectant argumenta perita ex comprehensionis idea, aliaque superioris adducta. Accedit omnibus ratio istiusmodi: Deus reuera futura huiusmodi saepius praedixit, ut ex Scripturis colligebamus: ergo certo praenouerat: arque ut Tertullianus scribit (12), tot diuinæ huius præscientiae testes habemus, quot Deus fecit Prophetae.

Contra veritatem tamen istam sic firmatam, sunt a Socinianis proposita argumenta quaedam hic soluenda. Primo arguunt ex Scripturis in hunc modum: futura ciusmodi quae ab hominum pendent arbitrio, nonnumquam dubitanter praedicuntur in Scripturis: Ezech. enim n. haec dicit Dominus: „si forte vel ipsi audiant, et si forte quiescant“. Ieremiæ xxvi. „si forte audiant et convertantur vniuersus quisque a via sua mala“. Ioel n. „quis scit si convertatur et ignoroscet“. Matth. xxi. Verebuntur filium meum. Deus ergo non certo, sed conjecturaliter cognoscit futura eiusmodi.

Secundo arguunt ex S. Augustino, qui supponit (13) Deum non praevidere quod non est futurum, et si aliquoquin quadam conditione posita futurum esset: vtitur nimis eo principio ut confutet Pelagianos contendentes parvulos ex hac vita sine baptismate subtractos, ideo salutem non consequi, quod Deus praesciret eos, si ad adultam aetatem vsque vixissent, male vstros libero arbitrio.

Tertio arguunt ratione, et quidem pro contingentibus: id non praescitur, quod no[n]a habet veritatem determinatam; modus enim cognitionis obiecti modum sequitur: at futura contingentia veritatem determinatam non habent; quam indifferantia sint ad esse et ad non esse: neque ergo a Deo praevideri.

Sed haec omnia facilem aliunde habent solutionem. Ad 1. itaque ex Scripturis deducimus: haec et similia more hominum dicta esse, ut rei incertitudinem ex parte hominum, non autem ex parte Dei euincant. Ita censem Greg. Magnus (14) et Hieronymus (15); sed aduertendum insuper, quod aduerbiū illud *forte*, ac quocumque aliud dubitandi, non semper incertitudinem importat, sed quandoque ex parte hominum difficultatem maximam significant, quan-

do-

(11) Lib. iv. in Isaiam.

ne ad Renatum cap. 12.

(12) Lib. ii. contr. Marc. cap. 5.

(14) Hom. xviii. in Ezechielem.

(15) Lib. i. de anima et eius origi-

(15) In cap. xxi. Matth.

doque etiam solicitudinem et spem erigunt. Sic Exod. xxxii. Moses, qui firmissime tamen pro populo orare volebat, ait: „ascendam ad Dominum si quomodo quero deprecari pro scelere vestro“. Sic Paulus ad Philip. iii. „si quomodo occurram ad resurrectionem“. Numquam enim Paulus de mortuorum resurrectione dubitauerat.

Ad secundum quod ex Augustino deponitum gloriantur, dicendum: sanctissimum Doctorem reiicere scientiam conditionatorum coquidem sensi quo a Pelagianis ponebatur. Quamuis enim il verbo tenus contendenter conditionatam esse praescientiam, quam Deo adserabant respectu futuri mali usus liberis arbitrii in parvulis, qui sine Baptismate moriuntur, reuera tamen supponebant, absolutam esse praescientiam de qua agitur: quippe ut Augustinus argumentatur, necesse est, ut absoluta sit ea praescientia, quae Deum mouet, ut poenas non praeparet modo, sed etiam actu infligat, quum aequum non sit in crimen animaduertere, quod nondum commissum est, licet aliquando committi debeat; a fortiori par non est ut animaduertatur in crimen, quod nusquam debet admitti. Non autem reicit Augustinus conditionatorum scientiam in sententia catholica docente Deum futura ciusmodi praescire si certa ponatur conditio: reicit itaque Augustinus, ut verbo dicam, praescientiam absolutam talium futurorum, non vero conditionatam.

Tertium sic placet distinguere: futura contingentia quum indifferantia sint ad esse et ad non esse, non habent veritatem determinatam in mente Dei, in qua immutabili aeternitate consistunt quaecumque in tempore mutabilis contingentia praeterirent, nego: in causis secundis mutabilibus, subdividit: pro tempore futuro, quo certe aut euident aut non euident, nego: pro tempore praesenti, concedo: contingentia itaque habent veritatem determinatam in actu signato, ut inquit, etsi non illam habcant in actu exercito. Ceterum de his abunde Dialectici. Illa ergo praenoscit Deus ab aeterno, quando eorum causa, nempe creata voluntas non erat, quum in tempore tantum creata fuerit.

Atque Socinianis confutatis, danda denu[m] opera est ut ad proposita pergamus. Deum cogitationes hominum, ino et eorum scrutari peccata tertio loco positum firmatunque fuit. Pro hoc faciunt plura ex hucusque enucleatis: quibus addimus haec alia. In Psalmo lxviii. scriptum est: „Deus tu scis insipientiam meam, et delicta mea a te non sunt abscondita“. Et exxxviii. „Intellexisti cogitatio-

„nes meas de longe“. Iob etiam xxxi. „Nonne ipse considerat vias meas, et cunctos gressus meos dinumerat“. Ierem. item xvi. „Ego Dominus scrutans cor, et probans renes“. Tandem ad Cor. ii. „Quis scit hominum quae sunt hominis, nisi spiritus hominis qui in ipso est?“ Ex Patribus id ipsum testantur prae aliis Ephrem Syrus sic sribens (16): „quod si subdole ab aduersario nolis in re aliqua superplantari, crede mihi nihil te agere vel cogitare quod lateat Deum“. Accedit Ambrosius dicens (17): „qui se existimat ab eo, qui omnia vider, non videri, et tenebris credit commissa sua posse celari, vmbra praetendit. Sed frustra latere se credit, quum oculus Domini lucidior sole occulta omnia deprehendar“. Similia habent Hilarius, (18) Bernardus (19) aliique. Suffragatur et ratio: Deus nouit perfectissime quidquid misericorditer operatur, prouidoque consilio permittit: at hominum cordium cogitationes, quum vel ad bonum sint vel ad malum, vel ab ipso Deo praemouente efficiuntur, vel sine Deo permittuntur: ergo scrutatur Deus intimas cordium cogitationes et peccata ipsa.

Sed obstar videatur, quod legitur Habacuc i. : „mundi sunt oculi tui ne videant malum, et respicere ad iniquitatem non poteris“. Et etiam Matth. xv. : „amen dico vobis, nescio vos“. Respondetur tamen Prophetam Habacuc hoc in sensu loqui, quod Deus mala reproborum opera non cognoscit scientia practica et approbationis, bene vero scientia simplici et speculativa: atque hunc esse Prophetae sensum ex eo liquido constat, quod miratur Deum pati Chaldaeos tanta flagitia et victorias suis idolis referre. Apud Matthaeum vero ea verba: *nescio vos*, idem valent ac si diceretur, *vos pro meis non habeo*.

COROLLARIUM.

Quemadmodum vero cognoscit Deus peccata quae nihil sunt, cognoscit et impossibilia, mentis idola, quae entia rationis dicimus, priuationes ipsas, imo et mala omnia. Nam praeter ea quae supra dicebamus, Deus cognoscit quaecumque possunt in cogitationem humana cadere: cognoscit quae ab ipso vere sunt, quae ipse producit, quaeque castigat: at impossibilia, idola mentis, priuationesque possunt in hominum cogitationem venire; mala deinde naturae Deus pro-

(16) Tractatu de vita spirituali.

(17) Lib. de interpellat. cap. 2.

(18) In Psalm. cxxxvii.

(19) Epist. xlii.

producit, mala poenae ab ipso sunt, mala culpac ipsé castigat: cognoscit ergo illa omnia, atque de illis scientiam habet,

CAP VT IV.

Divinae praescientiae cum hominis libertate concordiam firmat.

Ex Dei praescientia minime sequitur incutibilis contingentium euentus.

Hoc dogma fidei constat ex omnibus illis Scripturae locis, quibus probatur hominem esse liberum: praesertim ex Gen. iv. vbi dicitur: „sub te erit appetitus tuus, et tu dominaberis illius“. Et I. ad Cor. vii. „Prestestatem habens sue voluntatis“.

Ex Patribus vero Origenes primus occurrit, scribens (1): „neque enim dicimus, quandoque praescitum erat proditionem fore Iudam, propterea necesse fuisse ut Iudas esset proditor Sin ita quispiam narrat, omnino illud fore, hoc ipsum significans, ista ipsa sic futura vt tamen alter habere potuerint, id nos tamquam verum admittimus: nam Deus mentiri nullo modo potest; potest de iis quae contingentia sunt, vt fieri vel non fieri possint, cognoscere futura ipsa vel non futura“. Hieronymus item (2) explicans verba illa: *si forte vel ipsi audiant*, ait: „loquitur haec Deus ambigentis affectu, vt liberum hominis monstret arbitrium, ne praescientia futurorum mali vel boni, immutabile fiat, quod Deus futurum nouerit. Non enim quia ille ventura cognoscit, necesse est nos facere quod ille praesciuit, sed quod nos propria voluntate sumus facturi, ille nouit futurum quasi Deus“. Eodem modo explanat Augustinus libertatem sub dominio praescientiae (3). „Quis dubitauerit, inquit, quod Iudas Christum, si voluisset, non vtique tradidisset? et Petrus, si voluisset, ter Dominum non negasset? Sed ideo fuit de istis certa praedictio, quia et Deus faciliter claroque exemplo explicat mysterium. Sicut non sibi aduersantur haec duo, vt tu tua praescientia noueris quod alius sua voluntate facturus est, ita Deus neminem ad peccatum cogens, praeuidet tamen eos, qui propria voluntate peccabunt: et sicut tu memoria tua non cogis facta esse quae praepterunt, sic Deus praescientia sua non cogit facienda

(1) Lib. vi. de praep. (2) In com. in cap. 2. Ezech. (3) Lib. de unitate Eccl. cap. 9.

»quae futura sunt«. Tandem D. Thomas sic scribit (4): »ad primum, inquit, quod effectus diuinæ prouidentiae, non solum est aliquid eueniare quocumque modo, sed aliquid eueniare, vel contingenter, vel necessario, et ideo enenit infallibiliter et necessario, et enenit contingenter et libere: sed diuinæ prouidentiae ratio habet ut contingenter et libere eueniant«. Quibus verbis docet, praescientiam non modo libertatem non tollere, sed et prouidentiam esse specialem vt conseruetur.

Ratione etiam eaque multiplici probatur dogma istud. Prima: Deus non semel per Prophetas suos futura huiusmodi reuelauit; quin vim ullam necessitatempore agendi hominibus imponeret: imo corum libertatem contra monita salutis pluries celebrat: sic Salomon post mulieres alienigenas abiit, tametsi Dominus praedixisset, quod auerterent corda filiorum Israel vt illarum colerent Deos conflates: sic Achab funestum belli futurum exitum a Michaeaccepit, et tamen committere voluit cum Rege Syriac bellum, in quo sagitta in incertum ducta confossum obiit et perficit: igitur sub Dei praescientia stat ubique hominis libertas. Secunda ratio: scientia quam habet Deus non infert Dei operibus necessitatem: nam si hanc inferret, non esset in Deo libertas, omnia eius opera essent eterna, nihilque in tempore operaretur: ergo neque eiusmodi necessitatem infert Dei praescientia in caussis secundis, sed eas indifferentes relinquit. Est argumentum S. Augustini (5). Tertia ratio: ex quo Deo sit infallibiliter certus omnium caussarum ordo ac series, aprius infertur homini libertas, quam eiusdem necessitas ad agendum: nam in serie et ordine caussarum sunt quoque caussae liberae, ipsaecum hominum voluntates; proinde cognoscit Deus plurima ab his fieri. Est etiam Augustini argumentum (6). Quarta ratio: hae duea propositiones: Iudas traditur est Magistrum, et Iudas poterit Magistrum non tradere, non pugnant inuicem: ergo neque pugnat istae aliae: praeuidet Deus Iudam traditurum esse Magistrum, et Iudas poterit Magistrum non tradere: vnde non implicat quod Deus praeuidat futuram Iudee proditionem, et quod Iudas libere et contingenter Magistrum tradat. Legatur Boetius in Lib. v. (7)

CA.

(4) III. cont. Gent. cap. 94.

(5) Lib. III. de libero arb. cap. 3.

(6) Lib. v. de ciuit. Dei cap. 10.

(7) Prosa vi.

CAPVT V.

Eorum argumenta discutit, qui contingentium necessitatem et libertatis interitum ex diuina praescientia oriri ponunt.

Omnia necessitate quadam contingere opinati sunt cum Democrato Philosophi quamplices; quod crederent a caussis antecedentibus pendere illa, atque certa quadam colligatione eueniare. Ex illis autem errore cibiberunt Gnostici et Hussitas, atque quotquot post illos ausi sunt arbitrii libertatem insificari, quod putant ex earum caussarum superiorum ratione euerti. Itaque soluenda veniunt hic horum omnium argumenta, quo diuinæ praescientiae cum libertate hominis concordia fortius firmetur.

Primo autem argumentantur ex Scriptura adducentes locum illum Ioan. xii. vbi de Iudeis dicitur: »propterea non poterant credere quia iterum dixit Isaías, excaecauit oculos eorum«. Sed ideo Deus illos excaecauit, quia praesciuit peccata, quae voluit punire: igitur praescientia caussa excaecationis est, atque ratio etiam cur Iudei credere non poterant. Secundo opponunt S. Augustinum (1) de peccatoribus quibusdam dicentem: »si forte nostri sunt in occulta praescientia Dei, necesse est ut redeant«. Quibus verbis innuere vult praesciuta Deo necessario eueniare. Tertio adducunt rationem multiplicem. Prima: Dei praescientia certa omnino est, necessaria et immutabilis: sed posita hac Dei praescientia peccati, nempe, futuri, necessitate consequentiae peccatum sequitur: ergo certio, necessario et immutabiliter. Secunda: posita caussa effectus necessario consequitur: ergo praescientia Dei posita necessario eueniens futura: est enim praescientia Dei futurorum caussa. Tertia: ideo fatum gentilicum necessitatem permittit, quia est quedam immobilis caussarum ordinatio, quam nullus impedit potest: at ordinatio et connexio caussarum secundarum cum prima est etiam immobilis, nec illius eam impedit potest, iuxta illud Estheris xii. »non est qui possit resistere voluntati eius«: ergo haec ordinatio permittit etiam hominis arbitrium. Quarta demum ratio: nequit non eueniens res diuina praescientia supposita: ergo enenit necessitate quadam.

His vero omnibus responsio in promptu est. Ad primum ergo ex Scripto

(1) In Psalm. cvi.

Scriptura adductum dicendum: nullam in illo testimonio fieri mentionem de diuina praescientia, sed tantum adseri Deum praeponuisse Iudeorum sclera, minime autem vim eorum voluntati intulisse: ipsi itaque Iudei ob propriam malitiam et superbiam cordisque duritiam credere non poterant; seu illis quam difficile erat, etsi non esset impossibile. Arque hic ipse sensus est, quo Ioan. v. dicitur eos non credere. »Quomodo, inquit Christus Dominus, vos potest credere, »qui gloriam ab inuicem accipitis? Ad secundum quod ex Augustino obiciunt responsum est ab eodem S. Doctore in libro de concordia libertatis cum praescientia his verbis: »quum dico quia si praescit »aliquid, necesse est illud esse futurum, idem esse ac si dicam, si »erit, ex necessitate erit rei positionem non praecedit, et »idem valer ac si pronuntietur, quod erit, ex necessitate erit. Non »enim aliud significat hic necessitas, nisi quia quod erit, non po »terit simul non esse« ceterum. Necessitate ergo consequentiae, ut vocant, necesse est fieri quidquid Deus sua praescientia nouit: verum necessitas haec libertatem non laedit sed supponit, non tollit sed firmat: non tamen est necesse illud euenire necessitate antecedenti et absoluta.

Ad primam rationem respondendum: scientiam diuinam, quatenus nomine praescientiae exprimitur, connotatiue dici, proindeque mutabilem esse et contingentem: dicuntur autem futura certa esse et infallibilia ex suppositione diuinae praescientiae; quanvis minime necessaria sint comparata ad caussas proximas. Neque enim importune inter certitudinem et necessitatem euentuum futurorum Theologii distinguunt.

Secundae haec est solutio: non omnem praescientiam esse rerum caussam, iuxta illud Augustini (2): »Deus omnia quorum ipse auctor est, praescit; nec tamen omnium quea praescit, ipse auctor est«. De scientia igitur practica intelligere necesse est, id quod dicitur scientiam, scilicet, Dei esse caussam rerum: itaque Dei praescientia, quatenus praescientia est, futurorum caussa esse nequit; erit vero ut idem est, ac voluntas, prouidentia, directio, et regimen supremi Numinis: semper tamen causa plenissima operans libertate.

Pro tertia ratione haec dicimus: fatum gentilicum necessitatens inducere quatenus a caussis necessariis ad unum determinatis, vide licet a syderibus promanare censetur: verum Deus est quidem caus-

(2) In iii. de lib. arb. cap. 4.

sa vniuersalis, sed infinite perfecta, ab eaque proinde sunt et rerum naturae et modus ipse agendi cuilibet connaturalis. Igitur prouidentiae immobilitas, quae in sui dispositione non fallitur, ex cognitionis vniuersalitate procedit et ortum habet: praescit enim Deus non solum actus liberos, sed et modum que ipsi actus a causa libera producuntur. Quia vero Deus vult caussas secundas libere agere, ideo semper fit ac impletur voluntas eius: in bonis quidem positiva, in malis autem permissiva.

Quam solutionem egregie S. Thomas confirmat his verbis (3): »dicendum, inquit, quod fatum secundum considerationem caussarum »secundarium mobile est, sed secundum quod subest diuinae prouis »dentiae immobilitatem soritur, non quidem absolutae necessitatis, »sed conditionatae, secundum quod dicimus, hanc conditionem es »se veram, si Deus praescivit, hoc futurum erit. Vnde quum Boe »tius dixisset fati seriem esse mobilem, post pauca subdit, quae ta »men ab immobili prouidentiae profiscatur exordiis, ipsamque im »mutabilem esse necesse est«.

Quartae demum ratione respondendum doctrina saepius repetita: futura euenire simul necessario et contingenter, diuersa scilicet connotatione: vel necessitate conditionata et consequentiae necesse est ea euenire Dei supposita praescientia: non vero id necesse est necessitate simplici et absoluta. Et haec pro concilianda hominis libertate cum diuina praescientia. Medium nunc diuinae cognitionis inquiramus.

C A P V T VI.

Medium in quo Deus se ipsum cognoscit designat.

Essentiam suam non cognoscit Deus in aliquo medio: in ipsa vero tamquam in medio cognoscit sua attributa perfectionesque.

Prima pars probatur: nam nullum potest excogitari medium in quo essentiam suam Deus cognoscat: ut enim aliquid sit cognitionis medium necessum est, et quod prius sit re illa, quae in illo cognoscitur, et quod illius caussa sit, saltem conceptione nostra; at nihil fingi potest essentia diuina prius, nihilque illius caussa pos

test esse, etiam secundum nostrum concipiendi modum; quum Dei essentia in eo sita sit, ut suo loco dicebamus, quod Deus sit ens a se et a quouis alio prorsus independens: ergo Deus essentiam suam non cognoscit in aliquo medio.

Secunda pars probatur: quae requiruntur conditiones ad rationem medii reperiuntur in essentia diuina respectu attributorum et perfectionum: est enim diuina essentia conceptione nostra, causa virtualis attributorum ac perfectionum, illisque prior, in illa igitur tamquam in medio ea omnia cognoscit.

Dices tamen: Deus unico ac simplicissimo actu cognoscit suam essentiam attributa et perfectiones: at hoc obest ut cognoscat attributa et perfectiones in essentia velut in medio; quum medium debeat prius cognoscit quam res cuius medium est: non ergo cognoscit Deus sua attributa et perfectiones in sua essentia velut in medio.

Sed responderetur: quod quamvis Deus unico ac simplicissimo actu essentiam et attributa perfectionesque cognoscat, videt tamen ex parte obiecti ordinem quemdam, ob quem essentia est radix attributorum aliarumque perfectionum, seu videt haec omnia ex essentia sequi. Atque propter hoc bene dixit Sylvius, hanc quam habet Deus scientiam de suis attributis et perfectionibus posse optime vocari scientiam propter quid, sicut vocatur illa quam habet respectu suarum creaturarum.

CAP VT VII.

Medium in quo Deus alia a se cognoscit constituit.

Deus alia a se in se ipso cognoscit.

Id probatur primo ex SS. PP. Dionysius, vel quicunque sit auctor libri de diuinis nominibus, ait (1): »diuina sapientia se ipsam cognoscens scit omnia«. Ambrosius item scribit (2): »nihil Deum extra intelligere, sed singula intueri dicitur«. Augustinus etiam habet: (3) »vidit omnia quae fecit, et sicut videt ea ita fecit, non praeter se ipsum videns, sed in se ipso«. Tandem S. Thomas (4): »Deus, inquit, se ipsum videt in se ipso, alia autem a se videt non in ipsis, sed in se ipso«.

(1) Cap. 7.

(2) Tract. in symb. cap. 1.

(3) Lib. v. de Gen. ad lit. cap. 15.

(4) I. p. q. 14. art. 5.

Secundo probatur id ipsum ratione, quam plurimum vrget Doctor Angelicus (5): operatio intellectus sumit speciem et perfectionem ab obiecto primario: c. c. actus fidei nobilior est actu scientiae, etiam insuisae, quia erga Deum nobilissimum obiectum primarium versatur: at si Deus creaturas cognosceret in se ipsis independenter ab essentia diuina, creature forent obiectum eius primarium, et operatio eius ab ipsis speciem et perfectionem acciperet: quod impossibile reputat S. Doctor.

Contra hanc doctrinam obiecti solet: Deus vtpote infinitus in cognoscendo cognoscere debet creature omni modo quo cognoscibiles sunt: at illae sunt cognoscibiles etiam in se ipsis, nedum in Deo: non ergo cognoscit Deus alia a se praecesse in se ipso. Similiter: sequeretur Deum alia a se cognoscere abstractiue tantum, non intuitiue: illud siquidem abstractiue cognoscitur, quod in alio viderur, ut effectus in causa: sed falsum consequens: ergo et antecedens.

Verum responderetur ad primum: Deum ex quo sit virtutis infinitae in cognoscendo, debere cognoscere creature ut nihil cognoscibile sit in illis quod Deus non cognoscat; minime omni modo quo sunt cognoscibiles ex parte cognoscendi, vel in omni medio quo possunt cognosci: alias et illas deberet cognoscere et discursive et in medio opinatiuo, quum et sic cognoscibiles sint. Debet itaque illas cognoscere beneficio illius medii quod summam perfectionem dicat in modo cognoscendi.

Ad secundum dicendum: quod effectus ideo non videntur intuitiue in causis creatis, sed abstractiue dumtaxat; nec vicissim caussae in effectibus, quia rationes individuales effectuum non continentur in causis creatis, nec caussarum in effectibus: at Deus quum sit ipsum esse, cuius creature sunt participations quaedam, continet eminentiorem modo rationes communes et individuales creaturem, proindeque sicut in speculo videntur intuitiue obiecta, et in numero senario ternarius, ita creature omnes intuitiue in se ipso cognoscit Deus. Deinde diuina essentia, ut mox dicetur, est rerum omnium idea: quum autem res videantur ut sunt in se quando in propria videntur idea, bene arguitur Deum creaturem intuitiue videre in se ipso.

SCHOLION.

Quamvis autem unicum ac simplicissimum sit medium in quo

(5) Lib. i. cont. Gentes cap. 4.

2.11. aw.
N. ad 1.
et incogn.

Deus alia a se cognoscit, secundum tamen nostrum concipiendi modum quadruplex illud habetur, nempe diuina essentia prout ratione distinguitur ab attributis, omnipotenta, idee, voluntas seu decreta diuina. Essentia quidem, quae, vt ipsum esse, cetera eminenter continet, et ab ipsis est participabilis: omnipotenta quoque quum sit rerum omnium productua, nec possit comprehendendi, quin perfecte cognoscatur quidquid efficere potest. Ideae similiter, quae sunt rerum omnium similitudines et formae intelligibiles, ad quarum inspectionem sensus intellectuale operatur: denique diuina decreta, quibus Deus decernit ex infinitis possibilibus nonnulla producere. Ergo Deus possibilia videt primo in essentia vt ab eis participabili: secundo in omnipotencia vt eorum productua: tertio in ideis tamquam in sua arte, vt loquitur S. Augustinus, et rerum possibilium forma intelligibili: existentia vero, sive practerita, sive praesentia, sive futura cognoscit in suis decretis tamquam in medio necessario.

Singula haec ordine suo demonstrabimus, si prius de diuinis ideis nonnulla praemisserimus.

C A P V T VIII.

De ideis diuinis ex veterum Theologorum decreto vera ratio datur.

Dantur in Deo verae ideae, et sunt ipsa diuina essentia.

Probatur primo ex Scriptura dicente ad Hebreos ii. «fide intelligimus aptara esse saecula verbo Dei, vt ex inuisibilibus visibilia fierent»: id est, vt non apparentibus in ideis diuinis seu in mente et arte Dei, existentia et visibilia fierent. Secundo probatur ex SS. Patribus. Dionysius, seu quicunque sit auctor de diuinis nominibus, sic scribit (1): «in omnium causa prius constitisse omnium rerum exemplaria credendum est». S. Augustinus (2): «est, inquit, in ipsa sapientia spiritualiter ratio quedam qua terra facta est». Damascenus sic ratiocinatur (3): «Deus omnium auctor est: ergo omnium quae sunt rationes in se et causas, hoc est ideas, iam ante in ipso praehabet». Quamobrem vti architectandi ars, aut alia quaelibet, varias continet operum suorum imagines et ideas, ex quibus ea quae sunt propria sui molitur, neque est idem cum ideis istis; ita Deus

(1) Cap. 5. (2) Tract. 1. in Ioan. (3) Lib. 1. de fide cap. 1.

Deus rerum omnium praeformatas et descriptas habet ideas atque exemplaria, ad quae illas exigit, dum in tempore producit, neque idem est prorsus quod idea. Siquidem idea rerum fabricandarum est exemplar. Sunt autem diuinae ideae ipsam Dei essentia quatenus rerum omnium repraesentativa; nam idea exemplar est seu interna similitudo in mente artificis existens, ad cuius inspectionem opus suum perficit: hoc autem diuinae competit essentiae, quae omnes creaturas possibles et existentes repraesentat.

Verum habent ideae diuinae proprietatem quamdam, qua ab humana quacumque idea in mente artificis existente discrepent. Namirum, quod diuina idea non altunde, hoc est, ex aliis rebus hausta cinnataque est. «Faber vero, vt Anselmus ratiocinatur, penitus nec mente potest aliquid corporeum concipere imaginando, nisi id quod aut totum simul aut per partes ex aliquibus rebus aliquo modo iam didicit, nec opus mente conceptum perficere, si desit aut materia, aut aliud sine quo opus praecognitum fieri non possit. Quapropter ea quae per illam creata sunt, omnino non sunt aliquid, quod non sit per illam. Quae vero per ipsam fiunt, penitus non essent, nisi esset aliquid, quod non sit per ipsam». Cuius rei causam Patres Graeci adserunt, dum aduersus Originem aliosque aeternitatem rerum conditarum, ac materiae saltem, adstruentes adserunt, non solas rerum qualitates, cuiusmodi est rerum dispositio ac modificatio, sed ipsas creasse substantias. Ex quo alterum diuinarum creatarumque idearum discriminem conficitur, quod notabile prorsus est. Nam quia rerum substantias non producimus, iccirco nec rationes, hoc est, ideas substantiarum apud nos habemus, sed habituum dumtaxat artiumque, secundum quas artis opus efficitur; id est, accidentium illorum quae substantiam afficiunt, queaque sola et in sensu hominum incurvant et artificum elaborantur industria: qualis est figura modusque ac dispositio et ordinatio materiae, quam expolit et concinnat artifex. Deus autem quia tam substantias quam earum dispositiones efficit, utriusque generis formas et exemplaria complectitur.

Neque facit aduersus hanc de diuinarum idearum existentia doctrinam quod Anselmus docet (4), in Verbo, scilicet, non esse rerum similitudines: Siquidem hoc unum vult innuere, non esse in Verbo rerum similitudines a rebus ipsis acceptas: quemadmodum in spe-

(4) In Menologio cap. 12. (5) In libro de fide cap. 1.

culo sunt: bene vero esse in Verbo similitudines naturales et essentiales, quae sunt rerum creatarum exemplaria.

Sed his obiter de diuinis ideis adnotaris, ad designanda singillatim media, quibus Deus creaturas possibles et futuras potissimum cognoscit veniamus.

CAPVT IX.

Agit de medio cognitionis creaturarum possibilium.

Videt Deus creaturas possibles in ideis suis, seu in immutabili rerum intelligibilium ratione.

Constat hacc assertio ex iis quae in Capite vi. dicta relinquimus: apertius autem ex iis quae antecedenti capite adnotauimus: quamuis enim Deus omnia videat in suis ideis, quatenus illa vider in se ipso seu in sua essentia; aptius tamen ideatum nomine utrum dum de possibilibus sermo intercedit: nam Patres Graeci ideas definient exempla rationesque substantiarum efficientes: Quae deinde exempla ac rationes res futuras minime exhibent, nisi accedat artificis propositum et voluntas.

Sed probatur deinde haec ipsa assertio ex S. Augustino dicente (1): «nouit omnia Deus in se ipso». Ratione etiam suadetur: nam in Dei sapientia sunt infiniti thesauri rerum intelligibilium: expertus enim artifex mente percipit quidquid efficere potest.

Neutquam ergo admitti valet cognitione diuina erga creaturas istas possibles immediate in se ipsis, etiam in sensu Gregorii Ariminensis (2). Quid enim illud est, videri posse immediate in se ipso quidquid videtur nullo vertente medio inter facultatem intellectricem et obiectum, quemadmodum videntur in mente rationes intelligibiles et veritates intime afflgentes? An hoc etiam in Deo valere potest? Quamuis Deum inter et creaturas nihil re ipsa distinctum concepi possit, Deus creaturas immediate in se ipsis cognoscere nequit. Amota enim a Dei perfectissima vna omnisque compositionis experie natura, distinctione qualiter intrinseca, negari nequit saltum distinctio illa, qua eadem res individua comparate ad obiecta externa distinctionem illam complectitur, cuius gratia de re ipsa oppositae propositiones enun-

(1) Lib. xv. de Trinit. cap. 14. (2) Dist. 18.

enunciantur. Quum itaque diuina decreta, idea incommutabilis, ratio supremae causae summaque diuinitatis perfecio diuersa connotent obiecta, nescio cur nequeant dici medium in quo creature a Deo cognoscantur. Hinc dicendum est videri a Deo creature in semetipso tamquam in causa illarum effectrice s; quum in huius causae virtute praecontinerent priusquam fierent, atque vt ait Augustinus (3): «Deus unicas creaturas suas et spirituales et corporales, non quia sunt ideo nouit; sed ideo sunt quia nouit; non enim nesciuit quae erat creaturus. Quia ergo sciuit, creavit; non quia creavit, sciuit. Non enim eius sapientiae aliquid accessit ex ipsis; nec alter sciuit creata quam creanda». In sua ergo sapientia omnipotentia Deus sapientissimus cuncta intuetur, ideoque in se ipso. Pari ratione dicendum est omnia a Deo comprehendendi in incommutabili idea, rerumque cunctarum ratione.

CAPVT X.

Medium in quo cognoscit Deus futura ordinis supernaturalis in statu naturae lapsae exhibet; ac quaedam notatu digna probationibus praemittit.

Vider Deus futura libera ordinis supernaturalis, quae spectant ad statum naturae lapsae, dependenter ab efficaci decreto.

Omnis omnino de futuris quaestio aptius in dissertationibus de voluntate et providentia Dei tractaretur, quum tamen diuinae erga illa cognitionis medium constitue opus sit, non incongrue hic agitur. Itaque vt rem a principio ordiamur, distinguere futura inter et futura oportune debemus. Ac principio quidem futurum necessarium inter et contingens. Prius illud est, quod habet necessariam connectionem cum sua causa: sic necessario futura est combustio paleae, cui fax ardens admouebitur. Posterior subdiuiditur in contingens ab extrinseco, et ab intrinseco contingens. Primum est illud, quod licet oriatur a causa intrinseca necessaria, impediti tamen potest ab alia causa extrinseca, vt in morbis cuenit, quae necessario continentur nisi medicamentorum virute praeoccuparentur. Contingens au-

(3) Lib. xv. de Trinit.